



partii naleraq

UKA2020/41 aammalu 46

Ulloq 17. november 2020

Jens NapãtôK

Inatsisartunut ilaasortap Peter Olsen, Inuit Ataqatigiit siunnersuutaa imm. 41 aamma Inatsisartunut ilaasortap Múte B. Egede, Inuit Ataqatigiit siunnersuutaa imm. 46 taamatullu Tillie Martinussen, Suleqatigiissitsisuniit siunnersuutaa imm. 85 ataatsikkut oqaluuserisassanngortinneqartut pillugit Partii Naleqqamiit imatut oqaaseqaateqassaaagut.

Partii Naleqqamiit siunnersuuteqartut Peter Olsen, Inuit Ataqatigiit, Múte B. Egede, Inuit Ataqatigiit aamma Tillie Martinussen Suleqatigiissitsisuniit siunnersuutaannut imartuunut inuiaqatigiinnut pingaaruteqarluinnartunut qutsavigerusuppagut.

Inatsisartut Suleriaasianni § 33 naapertorlugu aalajangiiffigisassatut siunnersuutit pingasuusut ilinniartitaanikkut, pikkorissarnikkut aammalu suliffeqarnerup iluini pingaaruteqaannaratik ataqatigiissaagaasumik ingerlatsinissaq pillugu pilersaarusiornissamut imaqartut imarisamikkut assigiinngitsorujussuummata Partii Naleqqamiit uggorisorujussuarput ataatsikkut oqaluuserisassanngortinneqarmata siunnersuutit imarisai assigiinngitsorujussuummata.

Inatsisartuni suleriaaserput naapertorlugu oqaluuserisassanngortinneqartut ullulersorneqartarneri siulittaasoqarfimmi suliarineqartarmata taamatullu maani oqaluttarfikkut uparuartoqqusaanngimmata apeqqusersorlugit inussiarnersumik aammaarluta kaammattuutigiinnassuarput oqaluuserisassat imminut imarisamikkut ataqatigiinngitsut nalilersuilluarnikkut ataatsikkut taamatut oqaluuserisassanngortinneqartassanngitsut aammaarluta Partii Naleqqamiit kaammattuutigeqqissuarput.

Siunnersuutit imarisamikkut tamarmik assigiinngilluinnartuupput taamaammat ataatsikkut oqaaseqarfiginagit immikkut tamarmik Partii Naleqqamiit oqaaserfiginiarpagut.



partii naleraq

Immikkoortoq 41 Peter Olsen, Inuit Ataqtigiinniit Inatsisartut aalajangiiffigisassatut siunnersuutigaa Naalakkersuisut misissueqqullugit peqquneqassasut.

Misissuinerup naammassinera Inatsisartut ukiakkut 2021-imi ataatsimiinneranni agguanneqarnissaa siunnersuuteqartup ilanngullugu piumasaqaatigaa.

Misissuinerullu inernerani Inuit kulturitoqaannit ilinniarnissaq pisariaqartoq uppersarsineqarpat ilinniarnep qanoq suliarineqarsinnaanera eqqartoqarneqarsinnaalissasoq qularutiginaq siunnersuuteqartoq Peter Olsen, inuit Ataqtigiit isumaqarpoq.

Kulturitsinnik attasiinnarsinnaanitsinnik qulakkeerineqataallutik ilinniartitsilluni sammisaqarnikkut aaqqissuuneqarsinnaanersut misissorneqarsinnaasut kaammattuutigai qilaatersorneq, qaanniorneq qaannamiillu piniarneq, umialiorneq taamatullu saaqqutit qaannap umiallu atortui allat qanorlu atorneqarsinnaaneri ilanngullugit ilinniarneq.

Qimusserneq, qimmilerineq qamusiornerlu taamatullu inuit atisaannik amernik atisalioneq, kalaallisuut aamma ilanngullugit.

Taamatullu inuit tupianik amernik tupilioneq, apummik illuikkiorneq, issunik ujaqqanillu qammarlutik illulioneq.

Ilinniartitsinikkullu ilanngunneqarlutik atuagarsorneq soorlu: Tuluttut, Qallunaatut, Matematik minnerunngitsumillu Inuit kulturerput, oqaluttuarisaanerpullu pillugu atuarneq ilinniarnep (Saqqaq kultur - Independence I & II, Dorset Kultur aammalu Thule Kultur.

Knud Rasmussen Højskolia taamatut ilinniarfittut piukkunnaateqarsinnaanera siunnersuuteqartup piukkunnartutut nalilerpaa ilaatigut kalaallisuuliornermik Sisimiuni peqareenera ilaatigut toqqammavilersuutigalugu.

Partii Naleqqamiit isumaqarpugut kinaassutitsinni toqqammavigut nunatsinni isorartoqisumi sumiiffikkaartumik pilersaaruserluakkamik ilinniartitsissutigineqartarnerisa ingerlatsilernissaat piffissanngortoq.



partii naleraq

Oqaluttuarisaanitsinni inuiaqatigiillu kinaassutitsinni oqaluttuarisaanitsinni maani nunami inuunitsinni ineriartupiluunermi killiffeqarnitsinni oqaluttuarisaanermut kisimi aqutissiuisussaangitsoq taamatut ilinniarfeqalerneq Partii Naleqqami isumaqarfigaarput.

Nunap inuitut kinaassutitsinnut pingaaruteqarluinnartut ilagaat qaqilerneqartut aammalu atuakkatigut atuaannarlugit ilinniagassaanatik pingaaruteqarluinnartuullutik imminut kinaassutitsinnut uumassusilittut ineriartorteqqittuarlugu ingerlatseqqitassaavoq taamatullu kinaassutitsinnut oqaloqatigiittariaatsimut aammalu nunap inuitut ineriartoqqittuarnermut imminut paasinerunissamut aqutissiuisussaapput.

Partii Naleqqamiit siunnersuutip imarisai qitiusumi inissillugit ilinniartitsissutigineqarsinnaaneri pillugit isumaqarpugut suna tamaat qitiusumut katersorneqarpallaalersoq.

Sumiiffikkaartumik ingerlatissinnaaneq ilanngullugu qulaajaqquarput ilaatigut aamma periarfissaasinnaasoraarput højskole angalaartoq tunumiit kujataa kitaa avanersuaq tikillugu ingerlaarsinnaasoq.

Ilanngullugu sumiiffikkaartumik taamatut sulliveqalersinnaaneriit kommune suleqatigalugu ingerlanneqarsinnaaneri misissuiffigalugu aallartisarneqarnissaa Partii Naleqqamiit kaammattuutigerusupparput, soorlu Upernavimmi kalaallisuuliornermut amernik mersornernut allappassuartigullu piginnaaneqarluartunik peqarpugut tamakku atorluarnissaanut mersortarfinnik allatigullu aqqissuussisoqarnissaa pilersaaruserluarnikkut aqutissiuisoqarnissaa pingaaruteqarluinnarpoq, sineriammi piginnaanilinnik pisuussutinik ulikkaarpugut atorluarniartigit.

Taamatut immikkoortoq 41-mut oqaaseqarluta ataatsimiititaliamut susassaartunut oqaluserisassaq pingaruteqartoq akuerlutigu ingerlatseqqinneqarnissaa innersuussutigaarput.



partii naleraq

Inatsisartunut ilaasortaq Mute B. Egede, Inuit Ataqatigiit Inatsisartut aalajangiiffigisassatut siunnersuutaa immikkoortoq 46 inuusuttut 16-it 25-illu akornanni ukiullit sulilersut imaluunniit ilinniakkamik ingerlatsisut amerlisarneqarnissaat siunertaralugu immikkut iliuuseqarnissamut Naalackersuisut 2026-ip tungaanut aningaasatigut allaffissornikkullu sinaakkutissanik ilaqartumik periusissiamik Inatsisartut upernaakkut 2021-imi upernaakkut ataatsimiinneranni saqqummiunneqartussamik siunertaqarluni saqqummiussaqaarninni tapersorsorluinnarparput pisariaqavissumik qaqilerininnut.

Nunatsinni meeqqat arfinilinnik ukioqarlutik atualernerminni ukiut qulit atuareerlutik atuarfimmii anisartut ilinniakkamik aalltitsisanngitsut amerlavallaarujussuarneri qanoq iliuuseqarfiginissaat politikkikut aatsaat taama pingaaruteqartigaaq.

Naatsorsueqqissaartarfiup kisitsisaatai misissuataaraanni Atuartut arfineq-marluugaangata ataaseq kisimi inuusuttunut ilinniarfimmu toqqaannartumik ingerlaqqittartoq taamatullu inuusuttut amerlasuut inuusuttunut ilinniarfimmik aallartitsiniarlutik illoqarfimmu allamut nuuttariaqartartut

Nunatsinni illoqarfinni sisamaannarni ilinniarnertuunngorniartoqarsinnaavoq, Naalackersuisulli Campus avannaani Ilulissani periarfissarsiornerat Partii Naleqqamiit periarfissarsionertut pitsaasutut isigaarput, tamannalu neriuutigaarput pitsaasumik periarfisseeqataajumaartoq.

Inuusuttut ilinniarfinni arfiniliusuni inuussutissarsionermi ilinniakkat amerlanerpaat ilinniarlutik ingerlatsiffigisinnaavaat tassungalu atatillugu inuussutissarsionermi ilinniakkat atuagarsornermik ingerlatsineq periarfissaqartaraluartoq inuusuttorpassuarnut ajornartorsiutaasartoq annerpaaq tassaagajunnerusarpoq suliffimmi misiliinermik akulerunneqarsimasumik ilaqarnissaani inuusuttunut unamminarlunilu pissarsiniartarnej ajornartorsiutaasarnera annertuujuvoq. Tamannalu aamma ilinniakkamik aallartitsinngitsoornermik kinguneqartarmat qanoq iliuuseqarfigineqarluni pilersaarusiorluarnissaa pisariaqartut ilaattut Partii Naleqqamiit isigaarput.



partii naleraq

Taamatullu suliffimmi misiliinermi suut sineriatsinni sumiiffinni assigiinngitsuni inissaqarlutillu periarfissaanersut ukiukkaartumik nutartikkamik naleqqussarsimasumillu suliaqartuarnissaa Partii Naleqqamiit ilanngullugu suliarineqassasoq pissusissamisoortutut isigaarput.

Mute B. Egede, Inuit Ataqtigiit pingaaruteqarluinnartoq oqaluuserisassanngortippa Kalaallit Nunaannitsinni inuusuttut amerlasuut inuusuttunut ilinniakkamik aallartitsisannngitsut amerlammata qanoq iliuuseqarfigisariaqarmata. Inuusuttut 18-25-t akornanni ukiullit quliugaangata arfinillit ilinniarnertuunngorniarnermik imaluunniit inuussutissarsiornermi ilinniakkamik allamik naammassinnissimasanngillat imaluunniit suli ingerlatsisutut nalunaarsorneqaratik aallartitaqarsimananik

Taamatut siunnersuut pingaaruteqarluinnartoq pillugu ataatsimiititaliamut susassaartumut aappassaaniinnginnerani suliarineqarnissaat innersuussutigaaarput.

qujanaq